

"ARUBAANSE COURANT"
diariamente en excepton di
diadomingo
subscription f. 3.25 pa luna
edicion los 20 ct.
edita pa:
N.V. Arubaanse Drukkerij en
Vervoers- en Publiciteits Mij.
Nassaustraat 85, Oranjestad, Aruba N.A.
Imprenta na:
N.V. Drukkerij „De Stad“
Theaterstraat 11, Willemstad, Curacao
Telefoon 1116 Directiva y redaccion.
2116 Anuncio y subscripcion.
Directeur hoofdredacteur: D. Wolff.

ARUBAANSE COURANT



Diario pa



Aruba



SWIFT

CORNED BEEF

gusta pa grandi y chikito den tur
cas, pa su calidad y su bon smaak.

Agente: **Wimco**

Anja 24

DIAHUEBS 5 DI SEPTEMBER 1963

No. 4734

APUNTES EDITORIAL

AUMENTO DI TARIFANAN

Ultimo tempo nos a hanja tende di
ferente rumoran menos agradabel en
vista di e aumento di tarifican na San
Pedro Hospital en a tuma lugar algun
dia pasa. Algun persona tabata mas
o menos di opinion en e aumento aki
na tabata completamente hustifica y en
avor hendenan menos fortunado lo no
por hanja tratamiento medico mas.

En relacion cu e rumoran aki nos a
diedi pa busca mas informacion tocan-
te e aumento di tarifican di hospital,
sera e hendenan adreanado, na asina
juda aclaia na opinion robes cu actual-
mente ta surgi den nos comunidad.

Den nos edicion di awe, nos lector-
nan lo hanja lesa tur e hechenan en
relacion cu e aumento di tarifican di
hospital, franco y abierto manera nos
entrevista tabata.

En esaki nos ta spera di a juda aclaia
e rumoran menos favorable cu ta cir-
culando den nos comunidad tocante e
asunto aki.

AWE APERTURA DI DELIBERACIONAN RIBA HOSPITAL

ORANJESTAD, 5 sept. — Segun
nos a worde informa awa, e de-
liberacionnan tocante e hospital cu go-
bierno kier traha na Santa Cruz lo a
worde cuminsa. Na e deliberacionnan
aki lo a participa pa banda di gober-
no, gezaghebber O.S. Henriquez y de-
putado G.A. Oduver y pa e otro banda
interesa Monsignor Holterman, dokter
J.B.M. van Ogtrop den su posicon
como miembro di Consejo di Directiva
di San Pedro Hospital.

Ambos partido a hanja un secretario
acera, pa gobierno, ta senior J. Eike-
lenboom y na otro banda W.P.J. van
Wijk director economico di San Pedro
Hospital.

Ya euba Lago lo a laga gobierno sa
di lo ta dispuesto en principio pa haci
uso di e hospital cu eventualmente lo
worde construi na Santa Cruz, baw di
cierto condicionnan.

Ariba e portret aki nos ta mira sr.
J.D. Arends (na drechi) y sr. Ada
Arends di Jossy Motors, agente pa
Rambler na nos isla, cu sr. Roy D.
Chapin jr., vice-president di Ameri-
can Motors, Sr. y sr. Arends a bi-
sita Estados Unidos pa atende e
„Pan American Rambler Distributors
Conference“ anual. Despues di a
mira e modelo nobo di Rambler
1964, sr. Arends a bisa di lo haci
un bende record e anja venidero.
Rambler ta continua siendo un di
autoan Mericano mas beudi na
America Latina.



COMPETITIE A.V.B.

Avertich na 7.30 den WILHELMINA STADION

BRASIL JRS. vs. S. C. A.
(A KLASSE)

ENTRADA GENERAL FL. 0.50

Mucha mitar, prijs

Exclusivo!

„Castigo“, mi bisinja a bisa, ora cu el a tende di e ultimo hisamento di prijs di
San Pedro Hospital „awor si nan ta bai gana mas!“ „Y kende ta hanja e ganashi?“
Obispado naturalmente!“ Cu nos bisinja tabata ekiboka a resulta door e combersacion
cu nos tabatin cu senjornan Nieboer y Van Wijk

GASTONAN HALTO DI EXPLOITACION TA HACI HISAMENTO PRIJS DI HOSPITAL NECESARIO

ORANJESTAD, 5 sept. — „Eun cu ta kere cu nos tin ganashi grandi, ta comple-
tamente ekiboka.“ segun e declaracion Diamars merdia ultimo di dokter A. Nieboer,
directar-medico di San Pedro Hospital. Senjor W.P.J. van Wijk, director-economico di
e hospital hasta por a ilustra esaki cu cifranan. „Na anja 1962 hospital tabatin un
perdida di 50.000 florin, apesar di e echa cu na cuminsamento di e anja ey, e tarifi-
nan a subi.“

Na anja 1962 e cantidad di dianan
di tratamiento den hospital tabata
74.000, segun e director di hospital
a conta nos duracion di un combersa-
cion cu nos tabatin cu ne. den cual
nos kier a investiga leke tabata her-
dad di leke ta worde bisa di
hospital. Tumando na cuenta, cu na
anja 1962 hospital tabatin 210 cama
na disposicion (awor 246 di cual 28
cu permanente ta worde ocupa pa
hendenan bieuu), esaki ta nifica cu
e grado di usamento di e camanan
tabata no menos cu 96 por ciento. Es-
saki ta hopi mas halto cu e mance di
seguridad cual un hospital tin di tra-
ta di mantene; pa na ora di desas-
trea inespere tin e posibilidad pa
tuma heridonan. Si alavez nos recorda
cu na Januari 1961, e tarifa di
hospital na patientnan particular a
subi e tempo ey tambe, anto ta di
comprende cu esun cu no sabi mi-
hor lo pensa: „cos ta bai bon ey
banda“.

E ultimo hisamento di prijs, anan-
cia pa cuminsa entrante october
venidero tabata leke tabata falta pa
hopi bisa: „Ladronicia“.

E directornan Nieboer y Van Wijk
gustosamente tabata di acuerdo na
habri buki tocante di e cuantianan di
hospital. Den anjanan anterior e ex-
plotacion en berdad a duna algun ga-
nashi, como cu no tabatin asina hopi
cama ainda den hospital y e ex-
ploacion barata di algun denartame-
to di hospital no tabata worde
surpasa ainda pa e gastonan di tra-
tamiento cu semper ta mas halto cu
e prijs cu ta worde paga na e estadu
na hospital. Mas e cantidad di cama-
nan subi, mas desfavorable e exploa-
cion ta bira, te na anja 1961 ora cu
hukinan a worde cera cu un perdi-
da basta grandi y na 1962 apesar di
hisamento di tarifa cu a tuma lugar
cuminsamento de e anja ey pa e klas-
nan, atrobe tabatin un perdida di
50.000 florin.

E hisamento di prijs cu lo tuma
lugar entrante 1 di october venide-

ro, no ta un esfuerzo pa hanja un
ganashi enorme, pero un medida cu
ta necesario pa no laga e perdida bi-
ra mas grandi. „Bo ta kere cu go-
bierno lo a bai di acuerdo cu tal de-
cision si esaki tabata unicamente un
medio pa nos pa gana mas?“ asina
nos a worde puntra. Pues gobierno
cu tin 60 por ciento di e dianan di
tratamiento pa su cuenta ta un di e
clientenan di mas grandi di hospital.
Di e 60 por ciento aki, 54 por ciento ta
di e tal patientnan cu carichi, es-
eunanan pover kendenan gasta di
hospital ta worde paga comple-
tamente pa gobierno y 6 por ciento ta
pa empleadonan den servicio di go-
bierno despus di a laga un accountant
di gobierno controla e entrada y gas-
tonan di hospital, a duna su aproba-
cion na hisa prijsnan, door di cual
e tarifa pa e patientnan di gobierno
a subi cu 30 por ciento di tres klas
30 por ciento, di dos klas 20 por cien-
to y di promer klas 14 por ciento. Si
awor Sociale Verkerings bank, como
ultimo cu tin di duna su opinion ain-
da tocante di e hisamento di prijs
aki, duna su aprobacion, anto prome-
to lo ta posibel pa cera e buki di
exploacion sin perdidan enorme.
Pero apesar di e hisamento di prijs,
nan no ta kere cu lo tin ganashi!

Enfermonan ta worde manda cas?

De bez en cuando ta worde bisa
cu na San Pedro Hospital nan sa
nenga di acepta enfermonan, como
cu nan no por paga pa e traamen-

to na hospital. Senjor Van Wijk ta
nenga rotundamente cu esaki a yega
di sosode. „Cada persona mulo
of herida cu yega hospital ta worde
tuma, aunque cu e no tin ningun cent
y no tin ni un carson of shimis na
su culpa“. Si bin enfermonan cu en-
berdad no por paga, esaki majo-
ria parti no ta forma problemanan
grandi pa San Pedro Hospital tambe,
como cu en general ta posibel na han-
ja un carichi di gobierno masha li-
ber pa tal patient, cu cual e ora e
asunto ta regla financieramente.

En todo caso ta na hospital asina,
cu si worde calcula cu ta un patient
cu tin bon moda di biba, anto majo-
ria parti administracion di hospital
ta nidi un suma di antemano. „Pero
esaki ta algo cu ta tuma lugar den
tur bon hospital“ segun dokter Nie-
boer. Reclamacion di pago na patient-
nan di klas ta posibel segun e direc-
tiva a sigura nos. Pero a worde bisa
asera, cu fastidiamente ta e patient-
nan particular cu ta e mal pagadonan.
Gobierno, Lago, Sociale Verke-
ringsbank y agentenan di banor, hos-
pital ta considera como e bon paga-
doran, pero e particularnan no ta tur
ta bon pagado. E total di debenan
cu tin di worde paga na hospital
ainda, segun senior Van Wijk ta na e
momento aki, f. 140.000.—

Tarifican ta halto

E keho cu sa worde tendi cu e
tarifican di San Pedro Hospital ta
halto, a worde torpedea diamars
merdia rapidamente door di e cu-
balleronan. Den un hospital prome-
dio na Merca 30 dollar tin di worde
paga pa dia pa un kamber den pro-
mer klas. E gasta di tratamiento tin
di bin asera, ainda. Tambe e hospi-
talan na Caracas ta indubablemente
mas cara cu San Pedro. E tarifi-
nan di St. Elisabeth Gasthuis na Cor-

sow y San Pedro ta na e momen-
to aki igual. Pero door di e hisamento
di prijs, e hospital di Oranjestad lo
bira mas cara cu esun di Willemstad.

Cu e tarifican di San Pedro ta asi-
na abao ta pasobra majo-
ria parti di e tratamiento den hospital ta worde
haci door di religionan. Si e secun-
tarifican di enfermeranan anto e gas-
to di hospital lo tabata 100.000.—
florin mas halto pa anja.

hospitalnan na otro lugar mihor?

E pregunta si e caballeronan sobi
bakiko tanto personanan di Aruba
ta bai busca cura den hospitalnan
na exterior, a resulta di no por a
worde contesta cu un resuestia. Se-
gun dokter Nieboer a conta, tin di-
ferencia factor ta bueca un rol akinan.
Pa hooi ta unicamente na „mihor
di e idea cu e verba den e cura di
su mes cura“, esta cu otro maho-
ra, na otro caminda semper ta mihor
cu na su mes cas of pais. Pa un o-
tro grupo ta un cuestion di prestio,
segun nan a solica nos. Pa oronnan
ta cuestion di valuta, mientras cu
tin oronnan cu ta bai den exterior
como cu en berdad tin mihor dok-
ternan pa nan malesa avanan. Sili-
cando e dos ultimo declaracionnan
mas claro nan a bisa nos, cu e tra-
tamiento medico na Colombia den cie-
to casonan ta sali mas barata, na m-
tibu di e balor baw di e placa avan-
nan. Pero cu Colombia tin mihor
dokternan y specialistanan cu Aru-
ba, esey si e caballeronan tabata du-
da. Pero dokter Nieboer a reconee
si, cu den cierto casonan hospitalnan
den exterior nor ofrese mas cu Aru-
ba. Un cardiologo of urologo pe, nos
no tin na Aruba. Si un persona cu
un cierto fallo na curazon of male-
sa di urina busca su salud den ex-
terior, esaki ta comprendibel.

Pero a resulta cu e dos director-
nan tabata sigur cu hopi persona ta
bai hospitalnan den extranheria,
mientras cu siguramente nan por a
hanja yudanza aki na Aruba tambe.

(E ta sigui pag. 2)

Diasabra jubileo Frerenan Norbertus, Rafael, Johan

ORANJESTAD, 5 sept. — Fr. Johan (Huize Maris
Stella), fr. Norbertus y fr. Rafael (tur dos di Huize de La
Salle) a hanja dia 7 di september 1938 nan bistr di can-
venta del Santa de La Salle na Groot-Bijgaarden (cerca
Brussel). Despues di un anja di Naviciaat ayanan, nan a
cuminsa nan estudio na Kweekschool di Baarle-Nassau.
Un contratiempo tabata pa nan, ora durante nan estudio
di tres anja di Kweekschool esaki a worde cambia pa un
estudio di cuater anja. Asina tabata te na medio Juni
1943 cu nan a hanja nan diploma di maestra di school y
por a cuminsa traha. Aki nan caminda a parti for di atra.



Fr. NORBERTUS (Dir.)

Fr. Norbertus a bai Heesch (cerca
Oss) caminda el a hanja su recuerdo-
nan inolvidable den e school cu tabata
worde teni den wagen di biba, cu ta-
bata situa na rand di e distrito.

Fr. Norbertus y Johan a bai Heem-
stede, caminda nan a pasa e „invierno
di hamber“ na anja 1944—1945. Ora
cu „black-out“ no tabata necesario mas
anjanan, como cu no tabatin corriente
mas, fr. Johan a resulta un bon techni-
co y a traha baterianan.

Despues di liberacion di Hulanda e
tres frerenan a ofrece pa bai duna les
na schoolnan na Aruba y na fin di
anja 1945 (23 dec.) nan a barea pa An-
tillas cu un grupo di maestronan y frere-
nan. Dia 14 di Januari 1946 a yega
na Corsow e bapor „Stuyvesant“ des-
pues di cual e tres frerenan a sigui pa
Aruba. Frere Norbertus a cuminsa
akinan na La Salle School, despues a
traha seis anja na Santa Cruz, caminda
na anja 1948 e tabata un di e funda-
doran di St. Joseph School — Estrella
y trainer y lider di e promer grupo di
juniores. Despues di tabata cabezanie
di La Salle-school, el a hanja su lugar
den e klasnan mas halto di Oranjestad,
caminda e tabata duna les di Frances,
Ingles of Spanjo. E por worde conta
como un di e fundadornan di Juven-
tud Cristian, Pa Jeugdcentrale La Salle,
di cual e ta miembro di directiva ma-
jor, el a organisa dos anja consecutivo,
curso pa lidernan di juventud. Promer
anja e tabata forma parti tambe di
Junior Chamber of Commerce. Du-
rante un anja largo el a laga Aruba, ora
cu el a worde jama na anja 1957 na
Roma, pa su di dos Naviciaat. Aya-
nan a aprecia su capacidnan asina
tanto, cu na anja 1959 el a worde nom-
bra como Director di Huize de La Salle.

Na e momento aki Kitty Kaye ta
traha baw di e gia di Marty Conn, un
famoso tocado di drum na Merca. E
tabata e persona tambe cu a yuda
Kitty forma su mes trio den Sommer-
set Inn, un motel na Merca. Su pro-
mer contract ayanan pa un solo biaha
a kibra tur record y a dura cinco luna.

KITTY KAYE DEN BALI BAR

PALM BEACH, 5 sept. — E lider
di band cu desde diaduna anochi m-
mo ta e hefe ariba e handstand den
Bali Bar e blaha aki pa variacion ta
un dama. Kitty Kaye di 25 anja, ken-



de lo actua ayanan te na november cu
su trio.

Kitty Kaye, kende a nace na Cleve-



Fr. RAFAEL

el a logra transforma den bunita lam-
pianan. Como fotograf tambe, el a
hunga gran papel y a pone hopi acto-
nan oficial ariba papel pa e desenden-
tanan.

Fr. Johan a cuminsa na St. Domini-
cus College, pero desde 1947 e ta duna
les continuamente na San Nicolas. Cin-
co anja largo el a duna les na Beilde
School, y mas cu 11 anja na Don
Bosco-school.



Fr. JOHAN

E tambe a haci bon uso di su tempo
despues di school, antonnan no tin se-
crecionan mas gñ. Como auto-monte-
e por contra di cualquier concurrencia. Pero
tin di worde bisa acera: su ultimo va-
cacion na Hulanda el a usa pa hanja
mas sabidoria ariba e tereno aki.

Recepcion

E fiesta di jubileum un tuma lugar
dia 7 di september den clima intimu.
Un recepcion lo worde teni dia 8 di
september ariba diadomingo pa e tres
jubilarionan bunita, den Huize de La
Salle for di 9'or y mei di muinta te
11'or.

Directiva di I.O.W.U.A. no por tolera accionnan di Figaroa, Bello, y Lewis

SAN NICOLAS, 5 sept. — Ayera e directiva di I.O.W.U.A. a participa su miembronan por medio di un pamfleta cu srs. Celedonio E. Bello, Michael Lewis y Vicente Figaroa a cuminsa un accion legal contra di e Union serca huez civil. E pamfleta a ser parti ayera atardi pa cuat'or na saldanan di Lago y ta bisa lo siguiente:

E Directiva di Independent Oil Workers' Union of Aruba kier informa miembronan, cu di bon fuente cu srs. Vicente Figaroa, y Michael Lewis, ambos ex-miembro di Directiva, y sr. Celedonio E. Bello, miembro, a institui procedimientu legal na declaracion y nominacionnan di candidatonan ariba Augustus 11, 1963, y e eleccionnan ariba Augustus 26, 1963, invalido.

E Directiva kier repiti cu e conveni di en vista di e tremendo participacionnan na e reunionnan y den e eleccionnan, e miembronan a demonstra claramente y sin duda ningun cu nan ta di acuerdo cu e procedimientonan na e reunion y e tencimientu di eleccionnan.

E Directiva ta reconoce e derecho

di tur miembronan pa desafia cualquier decision cu nan ta siti cu ta contrario di nan interesnan manera ta stipula den e Statutu y e Reglamento Interno. Sinembargo, e Directiva kier acentua cu ta deber di cada miembro pa sostene e decisionnan popular di un mayoria innegabel.

Nada a preveni Sr. Michael Lewis di desafia e decisionnan di mayoria ora cu Sr. Figaroa a haci asina. Sr. Lewis tambe tabata completamente di acuerdo cu e decisionnan popular na e reunion di Augustus 11, 1963. E Directiva tambe ta reconoce e interes di repente demostra door di Sr. Celedonio E. Bello, pero ta lamenta cu esaki mester ta di e forma aki.

E Directiva ta realiza e conciencia di e procedimientu hunto cu Lago su anuncio no-solista di su posicion ariba Augustus 31, 1963.


Directiva ta conclui cu e miembronan ariba menciona solamente por ta actuando den mala fe contra e mayoria di e miembronan y ta pone tur responsabilidad di posibel consecucionan detrimental den nan

man. E Directiva ta realiza completamente cu e tin cu cumpli cu decisionnan di e mayoria, y no por tolera cu un memoria ta trece paralizacion den nan trabau.

Dia 11 dilanti

Ayera e directiva a ricibi e dagvaarding en relacion cu e kelo entrega pa e tres miembronan serca huez civil. E caso lo bai dilanti dia 11 di september p.v. pa och'or y mei di mainta. Di banda di e oficina di abogado di mr. Willemse nos a worde informa entretantu, cu mr. Willemse riba orden di su cliente V. Figaroa a pidi hopi heroe contra e sentencia di huez den kort geding di dia 24 di augustus.

Pa via cu un pomp a kibra Marken actualmente ta luchando cu awa den e riuun cu a subi dimas. Nan a busca ayudo di e spituan di motor di Laren pa asina saca e awa en tin dimas pa Dschmeer. Riba e portret aki un vista di e bateria di pompnan di motor den accion riba e isla.



AEROPUERTO DI SABA TA HABRI DIA 18 DI SEPTEMBER

ORANJESTAD, 5 sept. (R.V.D.) — Dia 18 di september e aeropuerto recien termina na Saba lo ser tumu den uso oficialmente pa senor E.O. Petronia minister di Welvaartszorg.

E aeropuerto traha na Flat Point lo carga e number di Juanchito Yrausquin Airport en memoria di difunto minister J.E. Yrausquin na bida minister di Finanzas y Welvaartszorg. E plancha di bron cu inscripcion riba cual algua personalia di difunto minister Yrausquin a worde scribi y cual lo worde pone den e stationgebouw di e aeropuerto na Saba a ser traha pa Shell Curacao N.V. como regalo di Shell Antilles y Guyanas Ltd. na Trinidad bao di cual comania Saba ta resorta.

En relacion cu e nombramento bestuurscollegie di teritorio insular Islanan Ariba a invita senjora viuda Yrausquin pa asisti na e solemnidad.

DONACION DI ARUBA NA SKOPLJE

ORANJESTAD, 5 Sept. — Como tres siman pasa Cruz Roja departamentu di Aruba a habri un cuenta na cada banco na Aruba pa ricibi yudanza financiero pa e ciudad Skopje na Joegoslavia cu un luna y mei pasa a worde distribi pa algun tempo. E suma cu a worde ricibi te awor aki ta 25 florin.

COMESTIBLES MAS CARO

ORANJESTAD, 5 Sept. — Tanto na Corsow como Aruba e gastonan di bida a subi pa via di comestibles mas caro. Esaki ta resulta for di Anuncianan Statistica oficial cu a keda publica ayera, cu ta duna e cifranan di index te cu juni di e anja aki.

Saliendo for di un promedio di 100 na januari 1958 pa loke ta gastonan di bida Aruba a iega e punto di 106.2 y Corsow 104.8.

Na Aruba semper tabatin un nivel mas haltu cu na Corsow.

Na Corsow e gastonan di bida tabata varia entre 104 y 104.1 anja pasa. Na april di e anja aki e cifra di index a iega na 104.8, na mei el a baha te 104.6, na juni el a subi atrobe te 104.8.

Na Aruba tanto na januari 1961 como januari 1962 tabatin un nivel di 104.3 pa e gastonan di bida. E ultimo anja a sera cu 104.7 y 1963 a cuminsa cu 104.8. Esaki a subi constantemente awor te 106.2 mecos cu Corsow a consecuencia di un aumento den e sector di comestibles, cu a aumenta di januari pa juni di e anja aki di 106.7 pa 109.7.

GASTONAN HALTO.....

(Continuacion di pag. 1)

1 Millon investa

Den e ultimo ocho anjanan como 1 millon florin a worde usa pa expansion y mehoramento di San Pedro Hospital. Majoria parti di e financiamiento di e expansion aki a tuma lugar mas parti como cu debenan a worde finaliza, segun declaracion di senor Van Wijk. For di e 1 millon aki e siguiente expansionnan a tuma lugar: un cas nobo pa suernan, reconstrucion di e antes cas di enfermeranan pa e departamento di eaballeronan, construcion di un departamentu nobo pa mucha, construcion di un cuarto pa morto, construcion nobo di un cuarto di isolacion

pa enfermo di mente, un expansion basta importante di e lavanderia (loke a costa 150.000), expansion di e eushina y diferente apartamentu nobo (e.o. departamentu di rontgen).

Hospital na Santa Cruz

Na e momento aki tur plan ta para keto, pa motibu di e hecho cu ariba base di e consejo di e dokternan De Groot y De Jong (kendenan no a keda mas cu cuater dia, pa haci un investigacion na Aruba) tin plan pa traha un hospital nobo y moderno na Santa Cruz. Como cu e existencia di San Pedro Hospital a bira dudoso door di esaki, no por tin ningun "long range planning". Un contratiempo grandi, pa motibu cu e forma di traha tal plannan ta necesario pa tin un explotacion salubable. Gracias cu e deliberacionnan cu gobiernu tocante di e hospital nobo aki lo cuminsa pronto. Anto e ora nos lo hanja sabi cu nos ta para", segun e director-económico, kende cu razon ta preocupa pa e hecho, cu e kestion aki ta dura asina tanto promer cu e worde trata. "Nos ta compromete, cu ta difícil pa gobiernu papia tocante di esaki, pasobra B.C. lampoco no sabi ki tempo nan lo hanja e fondonnan pa e plan di 10 anja y esun di E.E.G.

Pero en todo caso ta sigur, cu e proyecto di Santa Cruz tin di worde studia bon, pasobra no ta sigur ainda cu esaki, mira for di vista economico, lo ta sin mas un mehoramento (importante). Naturalmente esaki lo yuda hopi, si un tal hospital nobo worde financia door di regalacion na lugar di fianza. Pero basta asina ainda, ta un pregunta si e hospital ey por traha cu e mes un tarifanan di San Pedro Hospital.

Nos tabatin un pregunta mas pa e caballeronnan aki: "An worde bisa cu Doner aya e ganashinan di San Pedro Hospital tabata hal pa otro proyectonan di obispado, esaki ta herdad?" "Eunkinan lo ta cuikier herde cu ta bisa tal locura", senor Van Wijk a contesta. "Mi u controla e bukinan forante di esaki te na anja 1948 y den e periodo aki nunca un cent di e hospital a sali for di aki. Loke bo a tende ta un fabula..... pa bisa esaki na un manera cu no ta bruto".

YABI

pa bo exito

TA HUUR
Espacionan pa Oficina
na
ORANJESTAD.
Pa informacion:
Jama tel. 2151/1897

GEZOCHT
Kleine of Grote
MAGAZIJN
Voor aanb.: Tel. 1235.

Avisa den
**ARUBAANSE
COURANT**
y compara e
resultado

VERF MARCA
ROMART
INTERIOR — EXTERIOR
ROMART TA UN VERF MODERNO,
CUIDADOSAMENTE MESCLA PA PRO-
TEGIA E SUPERFICIE COMPLETO.
Proteccion den cada galon.
1 galon f. 5.10
1/4 galon f. 2.25
També tin tur sorto di KWASHI.
Obtenible na:
Panama Store

NOTICIA DI POLIS

ORANJESTAD, 5 Sept. — Diamars atardi un cuarto pa dos asistancia di polis a worde pidi pa un hombre burachi na Sividivi. A resulta cu un tal D. kende tabata bao dominio di alcohol tabata fastidia e habitantenan di un cas. Un di e habitantenan kende no por a resisti e groseria di e hombre burachi, a mande cu un bleki cu a dal D. contra di su eubez, door di cual el a hacha un herida chikito. Patrouta a hiba D. warda, caminda el a hanja un cuarto gratis.

Macaco rebelde

Mas o menos 7'or diamars anochi, un tal F. a bin duna cuenta na warda di polis na Oranjestad, ariba un macaco cu a tira su auto cu motor. Segun declaracion di F. mientras e tabata pasando den Wilhelminastrat cu su senjora den auto, e macaco a manda un botter cu a bera dal su senjora. A resulta cu e macaco ta di un tal B. Polis a avisa B. pa e pone mas tino ariba loke su macaco ta haci.

Alcohol a dominé

Banda di un cuarto pasa di nuebe diamars anochi un caballero a pidi asistencia pa un otro caballero burachi, kende tabata drumi den su veranda. E caballero aki, un tal J. kende tabata asina burachi cu probablemente su tino a lage na caha, a worde hiba warda caminda el a hanja un cuarto gratis pa drumi te ora cu e fada.

Hortamento di bicicleta

Diamars atardi 4'or un tal R. a bin duna cuenta na warda di polis, cu

desde diadomingo cu el a para su bicicleta banda di misa di Noord pa asisti na e servicio, e no a mira su bicicleta mas. Probablemente un persona cu no tabatin gana di camina mas, a bai cune. Recherche ta investigando ta kende.

Otro bicicleta o somenta

Banda di 2'or diamars atardi un tal L. a bin duna cuenta na warda di polis cu su bicicleta a worde horta. Recherche ta investigando e caso.

Bringamento

Diamars marduga poco despues di 12'or asistencia di polis a worde pidi pa un bringamento na Madiki. Aki tabata trata di un bringamento entre un tal B. y J. E caballero B. a worde herida levemente na su cabes door di un botter cu J. a tira ariba dje.

Choke

Diamars mardia 12'or a worde avisa cu un choke a tuma lugar ariba e tereno caminda beton ja worde traha na Tarabana. A resulta cu e pick-up D639, mancha pa un tal J.T. a dal contra di un scraper grandi. E resultado tabata 600 florin di dano na e auto di gobierno y na e scraper nada.

Otro choke

Banda di un cuarto pasa di tres, tabatin un choke den Nassaustraat, banda di Dwarstraat. Esaki tabata entre e auto A5537 y A41 mancha respectivamente pa J.R. y P.H. E dano material na e autonan ta total 250 florin

Accidente di trafico

Mas o menos un cuarto pa cuater diamars atardi e mucha hombre M.O. di 8 anja a worde gedat pa e auto A5708 mancha pa L.A. Probablemente e mucha a cruza caminda sin pone tino ariba trafico. E victima a worde herida na su cabes. Despues di a hanja tratamiento medico na San Pedro Hospital e por a bai cas.

WANTED

at once

COOK

and

WASHER

Apply: Palais Oriental.



„SANTA PAULA” y „SANTA ROSA”, bapornan moderno di GRACE LINE, semanalmente ta trece turista y carga pa nos isla.

• Usa e servicio eficiente di GRACE LINE y biaha via GRACE.

Agente:

**EMAN TRADING
CO. INC**

Oficina tel: 1156-1554-5054-5055
Dock tel: 2135



CISCO KID presenta pa cortesia di **ARUBA BOTTLING COMPANY** NESBITTS den varios sabor, e refresconan mas pidi y mas gusta na Aruba.

1. Duna mi un arma, y lo mi bringa! No, senor.... bo no mester bringa contra di bo rumannan!
2. Ademá, lo bo tin bo trabao di hacl. Lo bo ta en-carga cu e brandspuit.
3. ("Despues...."). Ata nan ta bini!



EPITA pa cortesia di: **Antillian Hardware Co**

E mehor odres pa VERF, KWASHI, TUR CLASE DI HERMENT, articulos sanitario.

1. Lorenzo, e contrato cu nos a papia ariba, ta parse cu e por combin na e compania....
2. Mi ta kere cu bo tin cu papia cu e hendenan en ta interesa, pa despues....
3. Lorenzo, bo no ta scucha mi? No senor.
4. Awor ta mi ora di bebe kóffie.



Op zaterdag 7 september vieren

fr. Directeur NORBERTUS


fr. RAFAEL

fr. JOHAN

hun ZILVEREN KLOOSTERFEEST.

receptie: zondag 8 september 9.30 — 11.00 v.m. in Huize de La Salle.

Gelieve dit als een persoonlijke uitnodiging te willen beschouwen.



No acumula mucho stekker huntu den un stop-contact. . . consulta cu bo electricista pa stop-contact adecuado! Esaki ta otro conseho franco di bo amigo y servidor

REDDY KILOWATT.

Integracion di schoolnan na Merca sin incidente

TUSKEGEE, 5 sept. — Na Charleston, na Sur Carolina, 11 muchu di colo pa asiti na lesnan den 4 school di hende blanco, sin cu tabatin un incidente. Tabata e di prome biaha cu muchanan di colo ta bai schoolnan pa muchanan blanco den e estado aki.

Tambe den schoolnan catolico pa hende blanco na Charleston nan a admiti pa di prome biaha muchanan di colo, ta trata akinan di 15 muchu. Tampoco tabatin algun extraordinario akinan.

Den capital di Louisiana, Baton Rouge, 4 muchu muhe di colo a bai bato di vigilancia di polis pa un Middlebare School loka ta nifica akinan tambe integracion na e schoolnan.

Tambe e integracion na Savannah den estado Georgia, caminda 14 muchu di colo a bishita dos ex-school di muchu blanco y na Cambridge den estado Maryland, a transcurri sin ruido. Na

NAN A TIRA HELICOPTERNAN MERICANO

SAIGON, 5 Sept. — Rehendenan di Vietnam a tira den provincia Tay Ninh na noordwest di Saigon riba dos helicopter MERICANO. Dos MERICANO a muri y 5 a keda herida. Tambe algun otro helicopter a hanja danjo durante e mesun operacion aki.

DICK TRACY

1. Tratando pa salba Fluffy, como Punky a cai door di e ijs di e lagoon, pero en bez di judanza.
2. Hombor horrible! Mi ta drecu bo cuenta pa bo.
3. Comanda mi apartamentoi! Cambia mi cachoi!



RIP KIRBY

JAN BODEGOM & CO (Aruba) N.V. TEL. 1284 — 1402

agente exclusivo di FRIESCHE VLAG lechi evap orado y lechi en polvo MAXWELL HOUSE KOFFIE

1. Ja cu bo ta hanta bo den tanto inferioridad grandi a-sina, ta mehor cu bo entre-ga bo mes.
2. Dunu mi bo arma. Si mi dune e arma of no duna, tochi mi ta muri.
3. Pero un otro man ta inter-veni.



PRESIDENT DI PARLAMENTO EUROPEO A FALLECE

PARIS, 5 sept. — Robert Schuman, ex premier di Francia, a muri ayera malata na Paris. Schuman cu a al-censa e edad di 77 aña, a muri den su finca na Sey-Chazelles, un e riu Moe-zeel. Basta luna caba e defunto tabata sufrí di un enfermedad di curazon. Na augustus su estado a peora a consecue-ela di un trombose cerebral.

Robert Schuman a nace na anja 1886 como yiu di un agricultor di Lotharin-gen. El a bai escuela secundaria na su ciudad nativo y na Metz. Na uni-versidad di Bonn el a studia derecho. Tambe el a studia na Muenchen, Ber-lin y Straatsburg.

Na anja 1948 el a bira minister di exterior. Dia 9 di mei 1952 na vispe-ra di un conferencia di ministerian di exterior di Merca, Inglaterra y Francia na London, Robert Schuman a parti-ci-pa prensa su plan pa un comunidad Frances Aleman pa carbon y stal, na cual comunidad otro paisnan por afilia.

Robert Schuman a worde eligi dia 19 di maart 1958 como president di e parlamento Europeo, e reunion parla-mentaria di e comunidad Europeo pa carbon y stal, e comunidad economico Europeo pa energia atomica. Dia dies di mei 1960 Robert Schuman a worde elegi riba proposicion di e tres presi-dentnan di fraccion y el a worde nom-

FEDERACIONNAN DI TRABAO NA KENYA

NAIBORI, 5 Sept. — E minister di trabao na Kenya, Ngala Mwenda, ayera a bolhe duna e seguridad, cu e actual gobierno di Kenya no tin in-tencion di prohibi federacionnan di trabao.

Durante un conferencia di e fede-racion oost Africano di obreronan den industria quimica y petrolera el a bisa, cu e rumor nan tocante prohibi-cion di e federacionnan ta infun-da.

No ta desco di gobierno pa limita actividadnan di e federacionnan, asi-na Mwenda a bisa.

Gobierno ta tuma e punto di bis-ta democratico cu e movimentu di sindicato mester ta liber y cu sueldo-nan y otro condicionnan mester wor-de realiza door di negociacionnan entre federacionnan y dunadornan di trabao. Gobierno solamente ta pone e exigencianan minimo pa proteccion di interes general.

INCIDENTE FRONTERIZO NA BERLIN

S. BERLIN, 5 Sept. — Un patruya MERICANO a worde bombardea ayera noch cu piedra door di guardiannan di frontera na Alemania Oost. Un militar a hanja sla na su schouder. Ademá e guardiannan di Alemania Oriental a laga algun bom di huma explota. E militar nan tabata patru-ja banda di un caminda smal, cu ta forma comunicacion entre West Ber-lin y e pueblo Steintuecken, cu ta pertencee na e sector MERICANO. E MERICANO nan a termina nan patru-ja dijies despues di e incidente.

Kennedy kier aumento di export

WASHINGTON, 5 Sept. — Den e revista „Nations Business“ cu ta wor-de edita pa Cumara MERICANO di Co-mercio, president Kennedy ta insiti serea industria pa aumenta export door di redabla esfuerteznan. E de-ficit riba e balans MERICANO di pago ta un fuente di continua preocupacion.

E ley riba expansion di comercio y e venidero negociacionnan di tarifa cu e comunidad economico Europeo y otro paisnan ta anuncia un

bra president di honor di e parlamento Europeo.

General De Gaulle a manda un carta pa famlian di Schuman, den cual el ta bisa cu el a ricibi e noticia di morto di president Robert Schuman cu pro-fundo sentimiento. E president a bisa den e carta cu Schuman ta merece elo-gio y respet di tur hende.

Papa Pablo a manda un telegram pa fa-milia di Schuman, den cual el ta expre-sa su sentimento y ta declara di lo resa pa sosiego eterno di e defunto.

Ayera president Kennedy a elogia Schuman den un declaracion, como un homber cu tabata combina vision cu realismo.

Su proposicion pa establece un comu-nidad economico Europeo pa carbon y stal tabata cuminamento di adelanto di Union Europeo.

DESMENTICION DI INDONESIA

DIJAKARTA, 5 Sept. — E minis-ter Indones di Agricultura, dr. Sa-djarwo, a desmenti noticianan cu a worde publica na Djakarta segun cual gobierno Indones tin intencion di tu-ma empresanan eslanhero di Rub-ber, Thee y kopra over na Indonesia.

E minister a ninga, cu na un reu-nion cu a worde tene recientemente cu ambtenaarn di su ministerio y federacion di e obreronan di e em-presanan menciona e moda a worde stipula riba cual por pone un fin na existencia di empresanan eslanhero na Indonesia. Segun e minister e reu-nionnan tabata pa mira con por au-menta produccion.

MINISTER LUNS PA ANKARA Y STRAATSBURG

DEN HAAG, 5 Septem. — Mi-nister di asuntunan exterior y presi-dent di conseho ministerial di Co-munidad Economico Europeo, mr. Luns lo sali dia 11 di septem. pa Turquia pa firma e tratado cominda Turquia ta keda asocia cu E.E.G. Minister lo firma tambe pa e conse-ho ministerial di E.E.G. como pa Holanda.

E fin di siman cu lo sigui e lo sali-foi Turquia pa Straatsburg caminda e lo ta presente na un reunion di Parlamento Europeo, cu ta dedica na acuerdo nobo di asociacion di E.E.G. cu partnernan di Ultramar. E siguiente dia, te tres diamars di septem. e minister lo ta na Den Haag pa asisti na inauguracion di Staten General.

Cumpleanjos

Awe dia 5 di septem. ta cum-pli anja senjorita Filomena Maria Tromp, felicitacion ta bini di su ta-ta y mama, rumannan, especialmen-te di su primanan, Carmen, Betty, Ni-ta, Julieta y Anna Senerel y demas familia.

Awe ta celebra su feliz cumplean-jos senjorita Maria Filomena de Cu-ba, felicitacion ta bini pa parti di su mama Johanna, tata Andres, rumannan Dito, Dita, Miano, Frans, Chipi, Cobito, welonan, omonan, tanta y primanan, tambe di su pepenan Anna Franken y Maria Tromp, onto Hosa Figaroa, su iha Jovita Kelly, amigan-nan Maria Donati, Rosa Figaroa, Me-na Tromp, Emilia Maduro y de-mas familia de Cuba y Figaroa.

Singapore completamente independiente

SINGAPORE, 5 sept. — Premier Lee Kuan ayera a proclama inde-pendencia completa pa Singapore. Cu fe-cha di ayera e pais, cu ya tabatin auto-gobernacion interino, ta tuma tur auto-risacionnan over di gobierno Ingles riba terreno di defensa y asuntunan di exterior. Segun circulonan di gobierno tin indicacionnan, cu ayera por a spera di-ficultadnan serio di parti di e organisa-cion clandestina comunista.

Gobierno ta prepara e medidanan mas severa pa por evita e dificultadnan ey. Dia 16 di septem. Singapore lo bai forma parti di e federacion nobo di Maleisia.

ESTADO DI SALUD DI PRESIDENT SOEKARNO

DIJAKARTA, 5 Sept. — Presi-dent Sukarno di Indonesia, kende su esta-do di salud ya basta dia caba no ta masha bon, a hanja sa di su dokter-nan cu solamente hopi sosiego pa yude. Con mi por sosega, tin hopi problema aki cu mester worde solu-ciona, asina e president a bisa peri-odistanan awe despues di un reunion di conseho di ministerian. Sukarno ta continuamente bato di control di un equipo di shete dokter Chines.

BASE FRANCES PA PRUEBANAN NUCLEAR

PARIS, 5 Sept. — Segun informa-cionnan ricibi di Paris, awe mainta e prome desatacamento di legion di ex-tranhero (en total cuarenta persona) a sali for di Tahiti pa Moeroera, pa cuminsa cu construcion di e prome base Frances pa haci pruebanan nu-clear den Oceano Pacifico.

AGENDA

CINE

Diabuebs 5 septem. 1963
DE VEER 8.30 p.m.: „The Road to Hong Kong“
8.30 p.m.: „Never let Go“ 101
PRINCIPAL 8 p.m.: Doble program: 1. „Frankenstein 1970“ 2. „Scream-ing Eagles“ 101
AUBORA 8 p.m.: „The Revolt of the Slaves“ 101
SAVANETA 8 p.m.: „Marilou“ 101

BOTICANAN DI WARDA

Oranjestad: BOTICA ODUBER tel. 1780
San Nicolas BOTICA SAN LUCAS tel. 5119

DOKTERNAN DI WARDA

Oranjestad-Noord: Dr. C. v.d. Bijl
San Nic-Sta. Cruz-Sav. Dr. J.G.H. Janssen

WIT-GELE KRUIS

San Nicolas: Dr. Perpetua
Oranjestad: Dr. Ewald
Santa-Cruz: Dr. Ludovic

POSTSLUITINGEN

Diabuebs

Anguilla 8.00, Antigua 8.00, Argentina 8.00, Bolivia 8.00, Bonaire 10.00, Bra-zil 8.00, Br. Guiana 15.30, Canada 8.00, Canal Zone 15.30, Chile 8.00, COLOMBIA: New York 8.00, New Orleans, La., Puerto Rico 15.30, Bogota 15.30, Costa Rica 15.30, Cuba 8.00, Curacao 10.00, Ecuador 15.30, El Salvador 15.30, Europa (Azic-Africa) 8.00-15.30, Fe-deracion 8.00, Guatemala 8.00, Guaymas 15.30, Haiti 8.00, Honduras 15.30, Br. Honduras 15.30, Jamaica 8.00, Martinique 8.00, Mexico 15.30, Montserrat 8.00, U.S.A.: Miami Fla. 8.00, (Azic-Africa-Australia) 8.00, Nicaragua 15.30, Panama 15.30, Paraguay 8.00, Peru 15.30, Puerto Rico 8.00, Rep. Dominicana 8.00, St. Kitts 8.00, St. Maarten 8.00, Suriname 15.30, Trinidad 8.00, Uruguay 8.00, VENEZUELA: Caracas 8.00, Maracaibo 8.00, Atencion: Cerramiento di pianan certi-fica ta un ora prome cu di post.

RADIO KELKBOOM

Diabuebs 5 septem. 1963

7.00 Opening
7.02 Bon dia cu alegria (Instrumental)
7.30 Musica matutino
8.00 Selection musical cu disconan
8.30 Latino Americano
8.30 Cumpleanjos feliz
9.00 Noticianan social
9.15 Musica varia
9.30 Melodias Instrumental
10.00 Noticianan internacional
10.05 Ritmos Latinos
10.30 Programa di N. Habibe Jr.
11.00 Noticianan internacional
11.05 Musica Norte Americana
11.15 Musica Antillana
11.30 Musica varia
12.05 Noticianan internacional
12.20 Musica Norte Americana
12.45 Noticianan local
01.00 Musica varia
01.30 Mei ora cu boleros
02.00 Novela (repeticion)
02.30 Peliculas
03.00 Twist
03.15 Merengues
03.30 Calypso
03.45 La Macorisana & Internacional
04.00 Musica cu sabor Azteca
04.30 Noticianan local
04.45 Cocal musical
05.00 Danzones Cubanos
05.15 Musica varia
05.30 Noticianan deportivo
06.15 Musica varia
06.30 Musica para ta cena
07.00 Noticianan internacional na Papi-mento
07.15 Musica Europeo
07.30 Musica Norte Americana
08.15 Novela (Vida Robada)
08.45 Musica varia
09.00 C.A.A.
10.00 Shitling.

RADIO VICTORIA

Diabuebs 5 septem. 1963

A.M.
9.00 Apertura
9.15 Musica varia
9.15 E. Bijbel habri
9.30 Gimnasia
9.45 World news
10.30 The Bible for you
10.15 Radio revival

10.45 Thoughts on home
11.00 Chapel of the air
11.15 Novela
11.30 Melodias di merdia
P.M.
12.00 Ultimas noticias
12.15 Musica austrida
12.30 World news
12.45 Quiet time
1.00 Radio concert hall
2.00 Reading room
2.15 Songs of Zion
2.30 Quiet hour
2.45 Ensenijos musicales
3.15 Melodias del alma
3.30 Prosa y poesia
4.00 Musica di banda
4.15 Ultimas noticias
4.30 Cafe con musica
4.45 Noticias na Spanjo
5.00 Academia del aire
5.15 Palabraman di bida
5.30 Musica para ta cena
6.00 Ultimas noticias
6.30 Interludio musicales
6.45 Noticias na Spanjo
7.00 Fun with music
7.15 Sacred Songs
7.30 Musical interlude
8.00 World news
8.15 Off the record
8.30 Back to the Bible
8.45 Musical gems
9.30 Songs in the night
10.00 World news
10.05 Musica musical
11.00 Sign off.

RADIO CARACAS

TELEVISION

Diabuebs 5 septem. 1963

8.45 Senderos de luz
9.00 Caja con sorpresas
9.30 Jardin de infancia
10.00 Ingles pa T.V.
10.15 Programa de Cecilia Martinez
11.15 Supermercado al aire
11.45 Novela
12.00 Show de Saume
12.30 Jefealbr 87
12.30 Noticias
13.05 Cont. Show de Saume
13.15 Se necesita una amiga
13.35 Novela
14.00 Punto y aparte
14.30 Yo so lo vengo
15.00 Estudio de Hector Monteverde
15.30 Perfeccion am de casa
16.00 Aventuras Popeye y Yeyo
16.30 Mejias y sus muchachos
17.00 The Time Tock
17.30 Pelicula
17.55 Pelicula
18.00 Pelicula
18.00 Tele teatro
19.30 Dramet
20.00 Observador
20.15 Novela
21.00 Un matrimonio perfecto
20.30 Esta noche Billo
22.30 Noticias

BURGESS A MURI

MOSCU, 5 sept. — Un funcionario di e hospital „Birkon“ na Moscu a bisa ayera mainta trempan cu Jim Andre-eyev, e nomber cu Guy Burgess, un di e diplomaticonan Ingles, cu na anja 1951 a hui pa Rusia, a hanja serea su coleganan Ruso, a muri diabierna mainta na un ataque di curazon.

Na momento cu Burgess a muri ta-batin un Ingles huntu cuné. Mienbro-nan di e colonia Ingles na Moscu ta di opinion cu esey tabata McLean of Philby, e periodista Ingles y ex diplo-matico kende na entusiasmanu di e anja aki tambe a hui pa Rusia.

E funcionario si no por a bisa kende e homber tabata cu tabata huntu cu Burgess na momento di su morto.

INCIDENTE NA JORDANIA

AMMAN, 5 Sept. — Un porta-voz militar di Jordania a participa-cu ayera tardi algun militar di Israel y ciudadanonan a tira den direccion di Jordania y over di e linea di de-marcacion. Esaki a sosode sur di Je-rusalem. E portavoz no a haci men-cion di armistizio.

Diez dia pasa tabatin un anuncio igual di un incidente na Jeruzalem.

MI TA BUSCA MI JIU

HOLLANDSE BANKETBAKKERIJ

Oranjestad tel. 2798 — San Nicolas tel. 3478

E mehor adres pa Bolo y tur clase di paso-boca. Diariamente fresco.

— 18 —

Poco poco el a bira su cara y a canna bai cu su cabez abao. El a hania su yiu y alavez a perde. Y e mester a preocupu su mes tocante Ulla. Pablo Badoski no tabata un bon hende. Pero Ulla no por a bai lage, ainda no.

Quizas algun dia el a pensa. E ora e lo bini serea mi, esey e sa. E no ta su so mas.

—Asina! Pablo a bisa, ora cu el a jega anochi, despues di a sera su enrousel. Tabata un bon dia awe! Mi a saca basta cens. dushi.

—Mi ta contentu, el a contesta cu un sonrisa imita, y a pura su mes pa prepara su cuminda pe. Su bot-ter di cerbez tabata para cla y tras di e corbeja su cama tabata prepa-ra, pa asina e caba di come e lo por tira su curpa aden.

—Esey mi no por ripara, el a ob-serve cu bofon.

Ulla no a bai contra dje. Quizas e lo lage na paz asina. Pero su ob-servacion tabata un desafio y el a sara ora cu e no a tuma aden.

Ora e cuminda tabata cla, el a po-ne riba mesa. Ni sikiera danki el a bisa y a cai sinta manera un rey riba e hanki caminda Elfrida Wortman a sinta algun ora pasa.

—Bon ta kiko bo a haci awe? el a puntra sospechoso.

—Nada, Ulla a murmura y a bai sinta riba un stul. Kiko mi mester a haci! Mi a bebe kofie y come bolo, esey ta tur cos.

—Bo so? el a insisti y a keda waak e duru.

Awor e mester a bisa. Si e no bi-sa nada, e peligro lo existi cu e han-je tende di su hienja. E ora lo re-sulta cu el a ganja. E lo bira sospe-ehoso y pone sufrí.

El a hala rosea y a cuminsa:

—No, mi no tabata eni so, Pablo. Mi tabatin bishita.

—Aha, bishita! Di ken anto, si mi tin mag di puntra?

Su wowonan chikitu pretu tabata brilla peligrosamente.

—Tabatin un dama stranja. Mi no ta laga homber drenta esey bo sa.

—Esey tampoco mi lo conseha bo, el a bisa.

—El a mira mi pafor, ora mi kier a bai serea senjora Warnitz aki na banda.

—Y kiko e muher tabata kier di bo?

—El a puntra si ami tabata Ulla Me-kendorp.

—Masha sospechoso! el a grun-ja. Bo mester a ninga. Semper bo mester spera prome. Pero aho ta mu-chi estúpido, aho sigur a bisa si.

—Esey mi a haci.

—Bo ta mira, eratura bestia.

Ulla a keda ketu. Pero e no taba-ta gusta esey.

—Bon sigui papia! el a grito. Kiko e muher tabata kier di bo?

—El a waak Ulla rabia y a stop di come.

—Na tabata peligroso, el a bisa. E no tabata di polis. Tampoco e no kier a sa nada di bo.

—El a keda papia cu ami. Tabata, mi mima.

—Bo kiko?

Awor el a tira su cuchu y forki abao y a keda waak e sorpresa.

—Bo mama? el a ripiti. Mi a kere-cu bo no tabatin mayornan. Bo ta-un huerfano tochi?

—Esey por lo menos aho a conta mi. Pero quizas ta ganja bo a ganja mi. Hende muher tur ta ganja.

—Ami no! Ulla a contesta ofendi. Mi ta bisa bo herdad. Ami tampoco tabata conoce, e muher aki. Dia cu mi tabatin cinco anja mi a mire pa ultimo biaha. Despues mi a hanja e herida na mi cabez y mi tabata ma-lu pa hopi tempu. Mi no ta corda nada mas kiko a pasa.

—En herdad e tabata bo mama?

—Mester ta. Con e por a sa anto cu mi tabatin un lunar bato di mi o-reca. El a splica mi detalladamente. El a bisa cu mi parse su yiu cu el a perde. Y tur e hechonan ta correc-to.

—Un historia strango. El a lubida su rabia. Su interes a bai awor sola-mente pa e asunto. Ulla tabata ali-via.

—Bon sigui conta! el a bisa y a bisa y a bolbe coge su forki y cuchu pa sigui come. Con e muher bleue-ta? E tin placa?

Di e banda ey biento tabata supla anto. Pesey e tabata asina ketu. E tabata pensa riba ganashi. Si e taba-tin placa, quizas hasta e tabata dis-puesto pa casa cu ne. Asina Pablo tabata.

—Mi no ta kere cu e tin hopi pla-ca, el a bisa prudente. Mi tata ta-bata mecanico. E tabata traha den un fabrica, na Belgica.

—Na Belgia? el a bisa. Aja e mu-cha ta tochi?

—Pesey nan a hanja mi pista.

—Bin sinta aki! Conta mi tur cos pre-cies. Nan conoce e muher anto?


Ulla a sigui conta! Con Helga a jega serea e familia Fechner y con e relacion tabata entre Wortman y Fechner.

—Anto e ta ama di cas solamente! el a observa desanimado ora cu el a termina. Anto no ta muchu cos di bisea. Pero quizas serea e Fechner aki. Asina e jama?

El a spanta. E no mester a men-ta e nomber ey? Ay Dios e tabata co-nocce Pablo tochi! Pakiko semper e tabata asina bobo? Nunca e lo sinja tur e triknan pa trata cu ne.

—E muher y e fania no tin nada di haci cu bo el a grita. Mi no kier mita e yiu.

—Mi no kier nada di haci cu ne. Nos dos tin nos bida. Nan mester laga nos na paz.



MARCHA PA WASHINGTON

Miles di habitante di Merca a tene un demostracion impresionante na Washington pa derechonan igual pa hendenan color sear na Merca. Puntan cu unanimitad di e "Marcha pa Washington" aki tabata e discursu na e monumento di Lincoln. E portret mas ariba ta duna un impresion di e multitud presente, mientras cu e portret abao por mira con President Kennedy a ricibi e organizadornan di e marcha desnes den Casa Blanca. Kennedy a elogia e manera digno cu e marcha a tuma lugar.



ENCUENTRO ENTRE TITO Y KENNEDY

WASHINGTON, 5 Sept. — Segun e corant "Washington Post" president Kennedy a dindi por lo pronto pa e anja aki un comersio en president Tito di Yugoslavia. Esaki lo sosode pues despues di bishita di Tito na Brasil, Chile, Bolivia y Mexico otro luna.

Segun e corant ta practicamente sigur cu Tito lo termina su gira cu un bishita na Merca y un encuentro cu Kennedy, cu lo tuma lugar na Hyannis Port na Massachusetts of na Newport na Rhode Island.

Den circulacion gubernamental na Washington ta worde acepta cu e politica Mericano lo ta dirigi di tal forma, cu lo ta posibel pa Tito sigui cu su politica, cu ta intencion di no afilia e continente ni oriente, asina "Washington Post" ta bisa.

For di circulacion cu tin relacionnan estrecha cu Casa Blanca ta worde informa, cu president Kennedy, kende ta pasa fin di siman na Hyannis Port, actualmente no tin intencion di topa cu mas lider fin di e anja aki.

MINISTER KRAIG REGRESA PA SURINAM

SCHIPHOL, 5 Sept. — Cu poco of ningun sigurancia tocante exito di su negociacionnan financiero na bienestar di construcion di cas e minister Surinamense di asuntunan social, senyor Kraig a sali di Schiphol na Paramaribo. "Mi ta di opinion cu mi a logra algun resultado", esey tabata e unico comentario cu e kier a duna.

Manera ta conoci e minister a spera di hanja yudanza particular na Hamburg den forma di un prestamo.

Si tin cas ta worde construi eba na Surinam den cuadro di e plan di diez anja, na cual Hulanda ta duna cooperacion financiera, pero ademas di esey gobiernu na Paramaribo ta spera di por yuda e pais na casnan extra cu otro fuentenan financiero.

Cu su colega Hulandes, dr. Veldkamp el a delibera na Den Haag tocante introduccion di un areglo di pensioen di bebez. Esaki especialmente pa e obreronan particular. A worde conveni cu Hulanda lo manda un experto aki poco tempo pa Surinam.

Desastre aerea na Suisa ta exige ochenta victima

ZUERICH, 5 sept. — Ayera mainta un avion di pasahero di tipo "Caravelle" di e compania Suisa "Swissair" a cai djies despues cu el a lanta di e aeropuerto di Zuerich na e pueblo Duerrenesch, den e provincia Aargau. Segun e compania a participa, e avion tabatin 74 pasahero y un tripulacion di seis persona, cu segun a worde stipula a muri.

E restnan di e avion a cai riba dos rancho den cercania, cu e pega candela. E candela a worde domina inmediatamente. E habitantenan di e casnan no a worde herida.

Cincu minuut despues cu e avion a lanta, e toren di trafico aerea a perde contacto cu e avion y el a disparce for di pantalla di radar. E avion tabata na caminda pa Roma y e mester a haci un escala na Ginebra. Segun testimonio ocular nan a tende un explosion

AGENTENAN DI ALEMANIA OOST A DRENTA BERLIN W.

BERLIN, 5 sept. — Un guardia di Alemania Oost cu a hui pa Berlin West a declara representantenan di prensa cu el a mira cu servicio di seguridad di estado di Berlin Oost a laga su agentenan drenta Berlin West.

El a bisa cu dilanti e sector Mericano nan a traha un buro den e barricada di Merca e integracion a transcuri pacifico. E unico incidente tabata na Charleston na Sur Carolina, unda un escuela secundario mester a worde evacua, despues cu e a drenta noticia cu den e edificio tin un bom. Pero nan no a hanja nada den e school. Entre e cinco cien alumnunan tabatin dos muchacha color sear.

Nan tur a bai na e buro y a drenta den esaki cu a sali na Berlin West y a drenta den un auto cu ta para ta wardanan. Despues nan a serra e buro y a kita tur marca.

CHINA TA ACUSA UNION SOVIETICA

PEKING, 5 sept. — Den un declaracion di gobierno Chines, cu a worde publica door di e agencia di prensa "Nieuw China", China ta acusa Union Sovietica atrobe di a traiciona interesnan d e campo socialista cu e acuerdo pa stop probanan nuclear parcial.

E declaracion, cu ta un contesta di e declaracion Riso di dia 21 di augustus, ta bisa cu e Rusonan ta ofende China door di pretende, cu e Chinesnan no kier firma e acuerdo pasobra Rusia a ninga di duna China datonan tecnico tocante armamentu nuclear.

China ta rechaza e acuerdo di Mosen pasobra e no ta provisiona den desarme completo y general y por cierto ta admiti cu e imperialistanan por sigi tene probanan subterfugio y planan na armamentu nuclear door di un potencia nuclear multilateral.

Tambe gobiernu Chines ta acusa e lidernan Ruso di a acepta e plan Mericano pa dos China.

E declaracion di gobierno Chines ta e contesta oficial riba e recien atakenan di Rusia contra e politica di exterior cu China ta hiba.

DELIBERACIONAN ENTRE GRECIA Y BULGARIA

ATENA, 5 sept. — Segun e premier Griego, Pipelidis, a participa ayera, Grecia pronto lo cuminsa deliberacionnan cu Bulgaria pa pone un fin na tur problema cu tin entre e dos paisnan y yega na un recuperacion di e relacionnan diplomatica y otro relacionnan. Grecia a propone pa cuminsa cu e deliberacionnan, cu lo worde tene na Sofia den segundo mitar di september.

Tambe lo worde paga tocanente recuperacion di e comunicacionnan di trein post y telefon.

E relacionnan diplomatica, cu a worde kibra na anja 1941 ora cu tripanan Aleman a dreña Grecia via di Bulgaria, a worde re-establece na anja 1954, pero nunca nan tabata normal.

INCIDENTE RASIAL NA MERCA

PLAQUEMINE, 5 sept. — Polis di e ciudad Plaquemine den e estado Mericano Louisiana, mester a usa barrantan di corriente, cu eun normalmente nan ta plama bestianan for di otro, pa plama seis cien demostrante color sear for di otro.

E demonstrantenan a worde manda back den e msa unda nan a cuminsa nan demonstracion. Mientra cu e demonstrantenan tabata corre pa polisnan a hanta piedra riba casnan di e hendenan blan.

pista prome cu e desgracia. E avion a bati abao mientras e tabata quimando y el a explora for di otro.

Swissair ta participa mas despues cu entre e pasaheronan di e avion cu a cai ayera mainta na Suisa, cu ochenta persona a bordo (matando tur), tabatin cinco estranhero, esta un Mericano, un Israelita un Egipcio un habitante di Persia y un Belgo. Ademas tabatin 22 pareha abordo (algun casa otro nombrado) di e pueblo Hulon en ta enstisti di 200 habitante. E parehanan taba haciendo un gira pa Roma.

Haiti ta pidi reunion urgente di Consejo di Seguridad

NEW YORK, 5 Sept. — Haiti a pidi pa un reunion urgente di e Consejo di Seguridad pasobra Republica Dominicana a muestra segun e nais aki atrobe accionnan hostil, asina nan a anuncia awe na New York. Minister di asuntunan exterior di Haiti Rene Chalmers a haci e peticion aki por medio di carta. Na mei die anja aki Consejo di Seguridad ya a trata e mal relacionnan entre ambos pais.

Sur Rhodesia posiblemente riba agenda di Consejo di Seguridad

NEW YORK, 5 Sept. — Tur e 32 miembronan di Nacionnan a pidi Duna awe nan apoyo completo na peticion na Consejo di Seguridad pa conferencia tocante situacion na Zuid Rhodesia.

Segun circulacion hon informa esaki taifica cu no ta imposibel cu e Consejo di Seguridad lo pone e kestion aki riba agenda.

WILSON NA ALEMANIA WEST

HAMBURG, 5 Sept. — E lider di e partido labour Ingles, Harold Wilson, a declara na Hamburg di ta favorecedor di establecimiento di un agencia di Nacionnan Uni of un oficina nobo pa desarme na Berlin. Esey loifica un simbolo di e cuidero di mundo pa nan encion di paz y recuperacion di union den e ciudad, asina el a bisa.

Wilson a bisa asina na un reunion na ocasion di un siglo di existencia di e partido social democratico na Alemania West. Si e proposicion worde acepta y por ehemplo delegadonan di eien pais bishita Berlin na conferencianan di e organizacion di cominda y agricultura di Nacionnan, ta inereble cu e gritamen periodico lo dura hopi mas of cu e muraya di Berlin lo sigui existi hopi tempo.

Wilson a declara cu su partido lo sigui haci esfuerzo pa reunificacion di Alemania cu medianan democratico. El a ripiti di ta contra un potencia independiente Aleman nuclear y a bisa di ta hanya sumamente importante cu medianan ta worde tuma pa evita plamamentu di armamentu nuclear.

Candela catastrofal na BRASIL

RIO DE JANEIRO, 5 sept. — Tur e region na noord y centro di estado Parana ta actualmente victima di un incendio gigantescu cu ta amenaza pa eba cu tur mondinan cu a sobra. E region ta centro di produccion di mas importante di koffie di Brasil.

E estado den e region aki ta actualmente catastrofal, e autoridanan ta dunando den e region di Parana tur e ayudo necesario.

Ya e candela a destrui 6 pueblo y e poblacion ta obliga pa hui lagando tur nan aropiadnan atras.



E mucha alegre aki ta Peter Eichorn di Alemania Oost, cu nan a hanja na e banda occidental di Berlin. E chikitu a pasa e "zona mortal" jen di mina mientras cu e tabata hunga sin hanja ningun danjo. E mucha lo ser entrega bek na su mayornan cu ta biba na Alemania Oost.

DIRIGENTENAN SOCIALISTA TA REUNI NA AMSTERDAM

AMSTERDAM, 5 Sept. — Dirigentenan socialista for di mas di earenta pais Europeo, Africano, Asiatico y Mericano lo reuni otro siman na Amsterdam pa participa na e congreso bi-annual di "socialista internacional", cu ta worde tene di 9 te 13 di september den Minerva Paleis den e capital Olandes.

E tema principal di e congreso ta desarrollo den e organizacion internacional. Participantenan ta entre otro e lider di Labour na Inglaterra Harold Wilson y su reemplazante George Brown, e burgemeester di West Berlin, Willy Brandt, e president di partido social di Alemania, Erich Ollenhauer y e lider di e partido socialista Frances, Guy Mollet.

TELEX MOSCU - WASHINGTON TA FUNCIONA

MOSCU, 5 Sept. — E comunicacion directa entre Moscu y Washington, destina pa contacto entre e hendenan di estado den caso di emergencia, a worde tuma den uso awe mainta. E acuerdo pa establece e comunicacion directo aki a worde firma dia 20 di juli na Ginebra.

AIDIT TA CONDENA JOEGOSLAVIA

PEKING, 5 Sept. — E lider di partido comunista di Indonesia, Aidit, a condena Jugoslavia como un pais cu ta sirbi interes di e bloke capitalista. Aidit a haci e acusacion den un discurso cu a worde publica awe den e organo di partido comunista Chines.

Aidit a tene e discurso ayera na Pekin. Aidit a bisa entre otro cu su partido a tuma un actitud independiente y di propio estipulacion contra e conflicto di mundo comunista, cu segun Aidit mester worde considera como algo temporal. Aidit a yega Pekin seis dia pasa despues di un bishita na Union Sovietica. Alemania Oost y Cuba.

NAN A HANJA GOLETA SPANJO DI SIGLO 18

CURITIVA, 5 Sept. — Dilanti di costa di Brasil, den sercania di Paranaguá, nan a hanja ayera restnan di un goleta Spanjo for di den siglo 18. Segun un profesor cu a busea historia di e goleta den arehivonan Spanjo hieu, tin posibilidad cu bordo di e goleta tin un tesoro.

Ya nan a saca un cayon chiqui y un oloshi hieu for di e ruina di e goleta y ta yena di entusiasmo di lo hanja e tesoro.

ECONOMIA DI MERCA AKI DIEZ ANJA

WASHINGTON, 5 Sept. — Segun calculacion cu e sociedad nacional di Merca pa desarrollo a haci, e producto nacional bruto di Merca na anja 1973 lo ta 904 miljar dollar mientras cu den mesun anja Merca lo tin 226 miljon habitante. E promedio di enrada pa famia lo ta 9300 dollar y e porcentaje di desempleo lo ta 4 por ciento contra seis por ciento actualmente.

E obreronan Mericano lo no ta traha mas cu 37.4 ora aki diez anja, mientras cu awor aki nan ta traha 40.5 ora pa siman.

PISCADONAN JAPONES LIBERTA

TOKIO, 5 Sept. — 141 piscado Hapones, cu tabata presu riba e isla Sakhalin, a worde liberta awe mainta pa autoridanan di Union Sovietica.

Nan a worde aresta pasobra nan a viola awanan territorial di Rusia.

Actualmente e Rusonan tin un piscado Hapones mas presu. Probablemente el a worde condena na diez anja di prison pa motibu di espionaje.

BO HOROSCOPO PERSONAL

ARIES 21 Maart — 20 April

Aspectonan importante ta favorable pa bo interesnan personal y na bida "business". Busca promocion y progreso.

TAURUS 21 April — 20 Mei

Aspectonan importante ta favorable pa transaccionnan cu personalnan importante. Bata tension na cas.

GEMINI 21 Mei — 20 Juni

Dedica tur na energia y forza na bo trabao. Bo por logra hopi, un bende ta busca bo ayudo den un asunto secreto.

CANCER 21 Juni — 22 Juli

Un accion rapido cu hiba bo mas di hanti den bo asuntunan personal. Mas den dia bo meser tene cuidao cu chensnan financiero.

LEO 23 Juli — 22 Augustus

Awe por ta un dia masha provechoso pa bo negociacion. Lo bini oportunidadnan pa solucionacion problema y hanja ayudo.

VIRGO 23 Augustus — 22 September

Bo lo por nota un cambio favorable den bo relacionnan cu amigunan. Sera amista cu un persona interesante cu bo ta topa awor.

LIBRA 23 September — 22 Oktober

Tene bo mes na metodonan di confiansa, esey por juda bo bai dilanti. Paga atencion na planan grandi cu bo kier realiza.

SCORPIO 23 Oktober — 22 November

Bo lo por logra hopi cos awe cu ayudo di amigunan. Esaki por bira un dia importante pa negoshi, trabao y finanzas.

SAGITARIUS 23 November — 21 December

Awe ta un dia favorable pa defende bo interesnan y mehora bo posicion. Tene cuidao cu desunion banda di anochi.

CAPRICORNUS 22 December — 19 Januari

Otronan lo hunga un papel importante den bo asuntunan door di yuda bo realiza bo speranzanan. Tene cuidao cu bo secretonan.

ACUARIUS 20 Januari — 18 Februari

Compañero v ocacionan por ta un apoyo pa bo. Busca mehor comprension y mas cooperacion. Mehora bo bida y bienestar.

PISCES 19 Februari — 20 Maart

Si bo cuminsa tempran esey lo yuda bo si bo tin asuntunan importante pa termina. Bo por tin suerte si bo traha bon.

WELGA NA SOUTHAMPTON A TERMINA

SOUTHAMPTON, 5 Sept. — Un welga desorganiza di dos mil descargado den haaf di Southampton a termina awe. E obreronan a welga dos dia, pasobra nan tabata exige mas sueldo pa descarga paku. Nan exigencia no a worde acepta, pero actualmente tin deliberacionnan tocante e asunto entre dunadornan di trabao y federacion.

BUCHI ROBEZ

presenta pa cortesia di PIET'S SODA FOUNTAIN

tel. 2123

★ e mehor adres pa snacks, tur clase di dushi, softdrinks, ice-cream y revistas

